

K 632  
2

18860 2023060703020  
ଶ୍ରୀ ପଦମନାଭ ପାତ୍ର 1886 ପରେଣିତରେଣୁ ପଦମନାଭ ପାତ୍ର

18860 2023060703020

ପଦମନାଭ ପାତ୍ରଙ୍କାଳୀକା  
ପାତ୍ରଙ୍କାଳୀକା ପଦମନାଭ

ଶ୍ରୀ ପଦମନାଭ ପାତ୍ର 1886 ପରେଣିତରେଣୁ ପଦମନାଭ ପାତ୍ର  
6704060—1932

სსრპ მინისტრის ადამიანის საქართველოს ფილიალი  
ინი, ისტორიისა და გარემონტური კულტურის ინსტიტუტი აკად. გ. მარის სახელი.

08160 ქავახიშვილი

3. 3. 2015 - 10758

№ ქ639  
2

ე ბ ი ს ჭ ა ვ ჭ ა ვ ა ვ ა  
ს ა ქ ა რ ა რ ა ლ ი ს ი ს ტ ი რ ი

სსრპ მინისტრის ადამიანის საქართველოს ფილიალის გამოცემა  
ტყილისი — 1938

დაიმუჭვდა პ ს რ კ ზეცრილი გრაფიკის  
 საძირთვულოს ფილიალის განვარგელი  
 თავმჯდომარის მოადგილი  
 პროფ. ნ. მ უ ს ხ ი ლ ი მ კ ი ლ ი

რედაქტორი პროფ. ს. ჭავაშვილი

კორექტორი გამომუშები ა. თ ო დ უ ა

მთავალ. № 102	52 ათ. ს. 6. 1 ბეჭდვ. ფორმაში
ტირაჟი 2000	ანაწყ. ზომა 7×11
შეკვ. № 485	ქაღალდის ზომა 72×105
ბეჭდვ. ფორმა 1	გადაეცა წარმოებას 25/XII—37
სააგრ. ფორმა 1 <sup>1/2</sup>	ხელმოწ. დასაბეჭდ. 4/I—38

## ილია ჭავჭავაძე და საქართველოს ისტორია

თუ წინათ ილია ჭავჭავაძის საქართველოს ისტორიისადმი დამოკიდებულების საკითხის შესახებ მსჯელობა მხოლოდ მისი ისტორიული პოემების მიხედვით შეიძლებოდა, 1927 წლის შემდეგ, როდესაც ჩვენი დიდებული მოღვაწის ნაწერების სრული კრებულის მე-5 ტომი გამოვიდა, მკვლევარს სრული საშუალება მიეცა ეს საკითხი უკვე ვრცლად და ბევრი სხვა მისი ნაშრომის მიხედვითაც განეხილა. მე მონია, რომ ილია ჭავჭავაძის ისტორიული კონცეფციისა და მისი მოღვაწეობის ამ დარღვი მნიშვნელობის გასათვალისწინებლად ჩვენი მგოსნის ისტორიული პოემების გამოყენება არც საჭიროა და არც მართებული. პოემები ხომ არსებითად მხატვრული ნაწარმოებებია და მიზნადაც იქ ავტორს საქ. ისტორიის დაწერა არ ჰქონია დასახული. ამიტომც ილია ჭავჭავაძის შეხედულებათა გამოსარქვევად და იმ წვლილის ცხად-საყოფალად, რომელიც მას საქართველოს ისტორიის გაშუქებაში შეტანილი აქვს, მისი ისტორიული პოემები არც გამომიყენებია. უამისოდაც ეხლა საქმაო და მრავალფეროვანი მასალა მოგვეპოება, რომ ზემოდასახული ამოცანის განხორციელება შევძლოთ. სრულებით ბუნებრივია, რომ ჩვენი მიზნის მისაღწევად ჯერ ილია ჭავჭავაძის ზოგადი კონცეფციის განხილვით დავიწყოთ, ხოლო შემდეგ უკვე მისი მეთოდოლოგიის განხილვაზე გადავიდეთ.

ილიას არა ერთხელ, მაგ. თუნდაც 1888 წელს, უთქვაშს: „როგორც კაცად არ იხსენება ის მაწანწალა“, რომელსაც „აღაზ ახსოეს, ვინ არის, საიდამ მოდის და სად მიდის, ისეც ერად სახსენებელი არ არის იგი, რომელსაც . . . თავისი ისტორია არ ახსოეს“-ო (V, 207).

1888 წელს, დ. ბაქრაძის ნაშრომის „ისტორია საქართველოსი“-ს პროგრამის გამოქვეყნების შემდგომ, ამავე საკითხს ჩვენი მგოსნი კვლავ უბრუნდება და ამბობს: წინათაც არა ერთი იყო ისეთი ხალხი, რომელსაც თავისი ისტორია არ ჰქონია და „ამისთანა ხალხი დღესაც ბევრი არიან ქვეყანაზედ“. მაგრამ, ილია ჭავჭავაძის აზრით, „ამისთანა ხალხი უბინაო კაცას ჰგავს, რომელმაც ესეთი ხალხი ბევრით არ გამოირჩევა პირუტყვთაგან და იქნება ბევრ-ში უკანაც ჩამოურჩება“. ჩვენი მგოსნის სიტყვით, „ულმობელი კანონი ისტორიისა ამისთანა ხალხს ვერ დაინდობს ეხლანდელს დროში“-ო (V, 240). „ოუგენი არა, ბევრით მეტი აღარ არის იგი ერი, რომელსაც ისტორია ჰქონია

და იგი ისტორია დაუვიწყნია; აღარც ამისთანა ერსა აქვს მკვიდრად მოკიდებული ფეხი არსებობისათვის საჭიდაოდ“-ო (V, 240).

ამიტომაც არის, რომ ილია ამბობდა: „არ გოცით, სხვა როგორ ფიქრობს და ჩვენ კი ასე გვგონია, რომ ერის დაცემა და გათახსირება მაშინ იწყება, როცა ერი, თავის საუბედუროდ, თავის ისტორიას ივიწყებს“-ო (V, 207).

ამგვრად, ილ. ჭავჭავაძის ლრმა ჩატენით, ყოველმა კულტურულმა ერმა თავის წარსული კარგად და სრული შეგნებით უნდა იცოდეს. ჭართველებსაც, თუ წარმატებული არსებობა სურდათ, ეს დებულება უნდა კარგად ჰქონოდათ შეგნებული.

მაგრამ ჩვენ დაუვიწყარს მოამაგეს საქართველოს ისტორია ეროვნული თავმომწონეობის თვალსაზრისითა და ეროვნული სიამაყის გრძნობის ჩასანერგავად კი არ უნდოდა და და სკირდებოდა, არამედ მას წარსულის მხოლოდ უტყუარი და დაუნდობელი, მაგრამ პირუთნელი შეფასება აინტერესებდა, ილია ჭავჭავაძე მაგ. 1888 წ. სტერდა: „ჩვენ ერს ორი ათასი წელიწადი უცხოვრია ისტორიულის ცხოვრებით. ბევრი მაგარი და ბევრიც უვარგისი ქვა ჩაუდვია იმ საძირკველში, რომელზეც დაც დღეს ჩვენი აწმყოა დამყარებული მერმისის ამოსაგებად. რომ მართლა ქსეა, ამისი საბუთით თვალ-წინა გვაქვს. რა შეგვინახავდა ამ ერთ მუჭა ხალხს ამ ორი-ბთას წელიწადს ამოდენა დაუძინებელ მტრებს შორის, რათ და როგორ შეგვარჩენდა ხარბობა უცხო თე მთა ამ მშევნივრად შემკულს წალკოტსა, რომელსაც საქართველოს ეძახიან, თუ ჩვენს წარსულს ჩვენის ცხოვრების საძირკველში მაგარი ქვა არ ჩაედგა. ეს ერთის მხრით, მეორეს მხრით—რა ჩამოგვარჩენდა ასე უწყალოდ სხვა ქვეყნებსა ან განათლებასა, ან გამდიდრებაში, თუ ამისთანა ქვეყნის პატრონთა ცხოვრების საძირკველში მაგარ ქვასთან ერთად უვარგისი და ფეხნილი ქვაც არ ჩაეყოლებინა ჩვენს ისტორიას. რომელია სიმაგრე ჩვენის ცხოვრებისა და რომელია სიფუცე და სისუსტე, ამას ახსნის და გვითარგმნის ხოლმე მარტო ისტორია. და, თუ იგი დავივიწყეთ, მაშ—დაგვივიწყნია ჩვენის ცხოვრების სათვეც, ჩვენის ცხოვრების ფეხი, ჩვენის ცხოვრების საძირკველი, და თუ ესეა, რაღაზედ უნდა დაგმუაროთ ჩვენი აწმუო, ჩვენი მერმისი?“-ო. (V, 241—242).

რა იყო ჩვენი წარსულის სიმაგრე და რა იყო სისუსტე, სიფუცე, ამის გამორკვევა ხომ ისტორიული პროცესის შეგნებით შეიძლება.

მაგრამ ისტორიის გაგება და სისწორით წარმოდგენა ახლაც აღვილი საქმე არ არის, მით უფრო ძნელი საქმე იყო მაშინ, წარსული საუკუნის იმ ხანაში, როცა ილია ჭავჭავაძე ჩვენი კულტურის სწორუპოვარი ბელადი და ხელმძღვანელი იყო.

როდესაც რომელიმე ერის ისტორია შესწავლილი არ არის, ისტორიის მაგიერ ხშირად, ერთი მხრით, უგეგმოდ წარმოებული კვლევა-ძებაა ხოლმე გა-

ბატონებული, მეორე მხრით კი მიშჩაძეველობასა და რწმენაზე ღამყარებული სქემატიზმი იძყრობს ხოლმე ასპარეზს. პირველი ღამალონებელია თავისი უსის-ტემობითაც და თანაც არც გულსა და არც გონიერას არას ეუბნება. მეორემ კი, თუმც შესაძლებელია გამოუცდელი მეითხველი თავისი აღნაგობითა და გარკვეულობით უფრო მომზიდებლოს, მაგრამ მავნებელია იმდენად, რამდენადაც, წარსული ცხოვრების ხორცესხსმული სურათის მაგიერ, რეალურ შინაარსს მოკლებული სქემა არის ხოლმე წარმოდგენილი. ისე იყო საქართველოშიც. ჩვენში წარსული საუკუნის 90-იანი წლების დამსკვამდე და შემდეგაც არსებითად უგვემო, შემთხვევით ხასიათის, ისტორიოგრაფია ბატონობდა, რომელიც, რასაკვირველია, ილია ჭავჭავაძეს ვერც მოეწონებოდა და ვერც დაკამაყოფილებდა. აი, მაგალითად, რას ამბობდა ილია ჭავჭავაძე 1880 წ.: „ჩვენის ხალხისა და ქვეყნის ისტორია მეტად ბნელია და შეუმუშავებელი. ჩვენს ისტორიაში ან სულ არ არის ფაქტები ჩვენის ხალხის ცხოვრების შესახებ და, თუ არის კანტიკუნტალ სადმე, ისიც მეტად საეჭვოა. ჩვენვა მმდობარეობა მარტოიმისთანა ფაქტების თაობაზე, რომელშიაც ერთობ ხალხი იჩენს თავის თავსა, თავის თვითებასა, თავის მონაწილეობასა ისტორიაში. ერთისისტუვით, ჩვენის შიდა-ცხოვრების ისტორია ჯერ ფარდა-აუზდელია და უცნობი ჩვენგან. ჩვენი «ქართლის ცხოვრება» ხალხის ისრარია კი, როგორც მომქმედი პირი ისტორიისა, ჩრდილშია მიყენებული. თითქას ხალხის ისტორიის შესამეცნებლად საკმარის კაცმა იცოდეს მარტოშეფერთა ისტორია. თითონ მეფეთა მოქმედებაც ნაჩერებია საგარეო საქმეთა შესახებ და არა შესახებ შიდა-საქმეთა“-ო (V, 201).

სწორედ ასეთი უსისტემო და უმეთოდო ისტორიის საწინააღმდეგოდ 1889 წ. „Северный Вестник“ („ჩრდილოეთის მოამბე“)-ში ნ. დ.-ს ფსვედონიმით ივ. ჯაბადარის წერილები გამოქვეყნდა საქართველოს შესახებ („Письма о Грузии“). ავტორი იქ, მისვე განცხადებით, საქართველოს ისტორიული კრიტიკისა და შედარებითი მეთოდის გამოყენებით მსჯელობდა: ამ თავის წერილებში, ვითომიც სწორედ ამ ორი მძღვავი მეთოდით აღუშრუოს, საქართველოს ისტორიაც განიხილა და, მისი წარსულის შეფასების შემდგომ, თავისი მსჯავრიც დასდო. მაგრამ, საუქმონიანი, დინარი, კვლევა-ძიების მაგიერ, ივ. ჯაბადარის წერილებში სწორედ ისეთი სქემატიზმი აღმოჩნდა, რომელიც, ავტორის სრული მოუშადებლობის გამო, მთლიანად მცდარი გამოდგა. ამისდა მიუხედავად, მაინც, ვითარება თითქოს ისტორიის უმაღლესი და შეკვეთი მეთოდებით მომარჯვებული აღამიანის ნამუშევარსა და ნასიბრძნს, ქართული, საისტორიო წყაროების უკოდინარსა და გამოუცდელს ჩვეულებრივ მკითხველზე ივ. ჯაბადარის კატეგორიულს დასკვნებს დიდი შთაბეჭდილების მოხდენა შეკლო. ხოლო, რამდენადაც მთელი მისი მსჯელობა თავაშვებული ნიშილისტური მსოფლმხედველობით იყო გამსჭვალული, იგი მეითხველს დიდს ვნებას მოუტანდა. ამიტომაც ივ. ჯაბადარის წერილების უყურადღებოდ და განუხილვდ

ლად დატოვება არ შეიძლებოდა. რა თქმა უნდა, ეს უპირველესად ქართველისტორიკოსთა მოვალეობა უნდა ყოფილიყო, მაგრამ, რაც ისინი სდუმდნენ, ვთარება ქართ. საზოგადოებრივი აზრის მესაჭეს, ისტორიკოსის მოვალეობის ასრულებაც უნებლიერი ისევ ილ. ჭავჭავაძეს მოუხდა, მან ივ. ჯაბადარის ნაშრომი ვრცლად განიხილა თავის წერილებში, რომელთაც სათაურად „აი ისტორია“ უწოდა. ფრიად საგულისხმოა, თუ როგორ მოეცყრო იგი ამ საქმეს და რა გააკეთა მან ამ დარგში.

რაც ილ. ჭავჭავაძეს ისტორიის უაღრესი მნიშვნელობა კარგად ესმოდა და შეგნებული ჰქონდა, ცხადია, მას არ შეექლო საქართველოს წარსულის შესწავლის სავალალო მღვმარეობისათვის უურადლება არ მიექცია. და მართლაც, ჩვენს დიდებულს მგოსანსა და პუბლიცისტს წინათაც და შემდეგშიც არა ერთხელ თავისი პირდაპირი მოვალეობისათვის თავი დაუნებებია და ისტორიული კვლევა-ძების საკითხებში ჩარჩულა.

ვინც ილ. ჭავჭავაძის ამ დარგის საქმაოდ მრავალრიცხვანა წერილებს გულდასმით გადაიკითხავს, მას საშუალება ექმნება, როგორც მისი კონცეფცია გამოარკვიოს ისტორიის ზოგადს საკითხებზე, ისევ ისიც გაითვალისწინოს, თუ რა წვლილი აქვს ილ. ჭავჭავაძეს საქ. ისტორიის შესწავლაშიც უშეტანილი. სწორედ ეს მიზანი უაჭვეს ჩვენ ამ ჩვენს მოხსენებაში დასახული.

ივ. ჯაბადარის უკვე ძირითადი რწმენა სქემატიზმისა და მონური მიმპარველობის გამამაულენებელი იყო. იგი დრეპერის ოდესალაც გავრცელებულს აზრს ემყარებოდა, ვითომც ყოველ ერს, თავისი ბავშვობისა, ყრმობისა და ჭაბუკობის შემდგომ, აუცილებლად სიბერე ეწეროდეს ხოლმე. ამიტომ იყო, რომ ჯაბადარის ერთს თავის წერილთაგანმი ნათელად ჰქონდა: მართალია, თუ არა, რომ ქართველი ერი უკვე მოხუცებულია და ღონე გამოილია, თუ მას ჯერ კიდევ სრული ინტენსიური ცხოვრება არც კი დაუწყია და თავის ძალონები მერმასისათვის შეუნახვეს? და თითონვე პასუხს აძლევდა მკითხველს: არა, ჯერ ინტენსიური ცხოვრება არც კი დაუწყიაო. ილ. ჭავჭავაძე ამ მცდარსა და ასე უცნაურად გამოითქმულ დებულებას სსატიკად შეებრძოლა. იგი ირონიულად ამბობდა: „აგტორი (ე. ი. ჯაბადარი) მერე დაგვიმტკიცებს, რომ ჩვენ სრულის ინტენსიური ცხოვრებით არ გვიცხოვრია და (გვიხარიდებს!) ღონე შეგვინახავს შერსისათვეს“-ი (V, 8). ასეთი რამას თქმა შეეძლო მხოლოდ იმას, ვისაც სწამე, რომ «სრული ინტენსიური ცხოვრება» ღონისაგან სცლის ერსა, ე. ი. ასუბს, აუქლურებს, ხოლო „არა-ინტენსიური ცხოვრება კი ანახვინებს ღონეს ჰისისათვის“-ი (V, 8). ამაზე ილ. ჭავჭავაძე სამართლიანად სწერდა: „დღეს ამდე გვეგონა, რომ ხსნა ერთისა სწორედ მაგ ინტენსიურ ცხოვრებაშია და, სე ნუ იტყვით, დასარჩხობი ფონი-კი სწორედ ეგ ინტენსიური ცხოვრება და“-ი (V, 9). აქეთგან მხოლოდ იმ დასკვნის გამოტანა შეიძლება, რომ უერი ერი ისა ყოფილა, ვინც ამ ინტენსიური ცხოვრების მაცდურობას ოლია, მისგან არ გაბრიყვებულა და ღონე შეუნახავს მერმისისათვის“-ი.

ილია ჭავჭავაძეს ეს მოძღვრება სლავიანოფილების მსოფლმხედველობის ანარევლად მიაჩნდა: „ესეც გამოვიდა სლავიანოფილების მოძღვრება, მერე მარტო იგი ნაწილი ამ მოძღვრებისა, რომელიც დიდისა და პატარისაგან სასა-ცილოდ აგდებულია“—ო (V, 11).

ჩვენმა დიდებულმა მოძღვრებმ ამ მოძღვრებას თავისი შემდევი მსჯელობა და რწმენა დაუპირისპირა: „ინტენსიური ცხოვრება ერთსადაიმავე დროს სა-თვეც არის და შედეგიც კულტურისა, რომელიც ათასის წლობით შენებულა, აგე-ბულა, მართლია კაცობრიობის დაულალვ და დაუძინებელ ჯაფიო, გარჯითა და მხნეობით, მაგრამ იმისთვის კი არა, რომ ლონისაგან დაიცალოს, არამედ იმის-თვის, რომ უფრო გაღონებრდეს, გაძლიერდეს, გამოფოლადდეს, გამოჯიქდეს არსებობისათვის საკიდაოლ. ამიტომაც კულტურა და მასთან განუყოფელი ინტენ-სიური ცხოვრება კაცობრიობის ლონისა და სმკვიდრის დედაბოძია, ქვაკუთხე-დია“—ო (V, 9). „ლონე შეინახება მერმისისათვისო, ვანუგეშებს ავტორი. კი ნუ-გვშია, კაცმა პური ალარა ჭამის, რომ კბილებრ, არ გაუცვდეს და მერმისისათვის შეინახოს. რა ოხრობისათვის-ლა საჭირო, რიღას მაქნისია ის შენახული ლონე, თუ არ იმავ ინტენსიურ ცხოვრებისთვის. თუ ასეა, ან თითონ ინტენსიური ცხოვრება რის მაქნისია, თუ ლონისაგან სკლის ერსა, ასუსტებს, აუძლურებს“—ო (V, 9—10).

ასეთ სქემატიზმა და გაზეპირებულ აზრებს ილ. ჭავჭავაძემ სულ სხვანა-ირი შეგნება დაუპირისპირა. მაგრამ ილ. ჭავჭავაძე ასეთ აკვატებულ აზრს რომ წინააღმდეგა, ეს იმას არ ნიშნავს, რომ მას ისტორიის ღრმად გაშუქება არ ენატრებოდა. მისთვისაც ისტორია მარტო ფაქტების გროვა არ იყო, მას ისტორიული პროცესის საფუძველი და ამამოძრავებელი ძალა აინტერესებდა, ხოლო შემდეგ მოვლენათა შეფასებაც. მასთანავე მისი რწმენით მთავარი ყურადღება შინაგანს, ე. ი. სოციალ-ეკონომიკურისა და კულტურის პროცესებს უნდა მიჰქცეოდა.

ილ. ჭავჭავაძის ისტორიული კონცეფციით, კაცობრიობის პროგრესის სათავე შემოქმედების წყურავილი და ნიკიია, რომე-ლოცვინათ ზოგჯერ ისეთს დარღვში და იმ სახითაც იჩენდა ხოლმე თავს, რომელიც თანამედროვე შეხედულებას უკვე ვეღარ აქმაყო, ლებს, მაგრამ ისტორიკოსს უნდა ესმოდეს, რომ მაშინ „დ რო იყო ამისთანა“. აი თუნდაც ქართუ-ლი ხუროთმოძღვრების ძეგლები, ტაძრების და მონასტრების ნაგებობანი რომ ავილოთ, რომელსაც ყურადღების ლირსად არ სთვლიდა და საძრახსადაც კი მიაჩნდა მათ ამგებელთათვის ივ. ჯაბადარს მხოლოდ იმიტომ, რომ ისნი ეკ-ლესიები და ტაძრებია. ილია ასეთ მსჯელობის საწინაღომდევოდ ამბობდა: „ჩვენ, რა იქმა უნდა, ჩვენს ხუროთმოძღვრებას საბერძნეთისა და რომის-თანა მნიშვნელობას არ ვაძლევთ“—ო, „მხოლოდ ვამბობთ, რომ ერს შეხვდება ხოლმე დრო, როცა, თუნდ მონასტრებისა და ტაძრების შენებით,—წყურვილს სულისას იქლავს ხოლმე. ეს საპატიო წყურვილია, იმიტომ რომ სათავე წარ-მატებისა ეს წყურვილია და ს ხევ არა-არა“—ო (V, 67).

ნამდვილი ისტორიკოსის მოვალეობა, ილ. ჭავჭავაძის რწმენით, იმაში მდგომარეობს, რომ, რაკი ყველა დროს თავისი ტკივილი იქს და გაგება ამ

ტკივილისა ხვედრიი მარტო ჩინებულ კაცებისა“, ამიტომაც „ჭეშმარიტი მეიისტორიე, ვითარცა გამკითხველი, ჯერ იმ დროების ქერქში უნდა ჩაჯდეს და მერე განიკითხოს თვით დროების შვილიცა. ეს რომ არ იყოს, კაცი ვერც საბუთს უპოვნის, ვერც აზრს, თუნდაც მოელს ჯვაროსნობის მოქმედს, რომელსაც მოელმა ევროპამ კინალამ თავი არ ჟეკლა“-ო (V, 66). აქვე ჩვენი ავტორი სამართლიანად უმატებს: „ეს ხომ ანბანია ისტორიის ფილოსოფიის“-ო.

საისტორიო მეცნიერებაში ამას ისტორიული პერსპექტივის აუცილებლობა ეწოდება და მართლაც, ცხადია, რომ უამისოდ წარსულის არც ერთ შეფასებას ღირებულება არ ექმნება.

თუ რა, გარემოებას აქცევდა ილ. ჭავჭავაძე ისტორიული პროცესის დროს და რა საფუძვლის გამორკვევა მიაჩნდა საპიროდ მოვლენათა გასაგებად, ამას მისი ერთი საყურადღებო წერილი გვაგებინებს.

1880 წელს დაბეჭდილს წერილში ილ. ჭავჭავაძე საქართველოს ისტორიას მანამდე სრულებით უცნობი თვალსაზრისით მიუდგა. მან აღნიშნა, რომ ჩვენი ხალხისა და ქვეყნის წარსულში „არის ერთი იმისთანა ისტორიული მოვლენა, რომელსაც ვერავინ უარს ვერა ჰყოფს და რომელიც დღესაც უკირს ყველას, ვისაც კი ამ მოვლენისათვის თვალი დაუქვირვებია“ (V, 201). ყველამ იცის, „რომ ჩვენს ხალხს ორი ათასი წელიწადი უცხოვრიულ თავისის ცხოვრებითა და თვითმმწერებითა. უკველია, რომ ამ ორი ათას წელს იმისთანა ხანა ისტორიისა არ დასდგომია, რომ მტრისაგან მოსვენებული ყოფილიყოს ზედმიყოლებით და განუწყვეტლივ ასი წელიწადი მაინც ერთად“. თითქმის მოელი თავისი ისტორიული არსებობის დროს საქართველო „იარაღით ხელში იდგა“, რადგან „მტრი თითქმის ყოველ-მხრიდამ მოწოდილი იყო“ (V, 202). ყველანი აქ მხოლოდ გულადობით და გრძებით და გრძებით იყვნენ აღტაცებულნი, მაგრამ არავის ფიქრად არ მოსვლია ამ საგულისხმო მოვლენას ღრმად ჩაკვირვებოდა. ილ. ჭავჭავაძე-ე-კი აქცი საქართველოს ისტორიას სულ სხვა თვალსაზრისით მიუდგა და საჭიროდ სცნო სულ სხვა მხრით გამჭუქრებინა.

„ვთქვათ, მქლავება და გულმა შესძლო ეს გოლიგითობა“-ო, ნათქვამი აქვს მას ჯერ კიდევ ამ ნახევარი საუკუნის წინა, ეს კიდევ თუნდაც არაფერი იყოს, უმთავრესად „საკვირველი ეს არის, — რა ქონებამ გაუძლო ამისთანა ყოფასა? რა ჰქვებავდა ხალხსა, რა ქონებით უძლვებოდა ამოდენა მებძესა და სისხლის ღვრასა? ეს ერთი მუქა ხალხი თითქმის ქუდზედ კაცად უნდა მდგრიყო იარაღით ხელში, რომ მტრისაგან მტრად არ აღვილიყო, — და საზრდოებას ვინ აძლევდა და რა აძლევდა?“-ო, კითხულობდა ჩვენი დიდებული მგლანი და პირველი ქართველი პტბლიცისტი (V, 202).

როგორც ხედავთ, საქართველოს ისტორიის ასეთს გაზუდებაშიც ილ. ჭავჭავაძეს პირველობა ეკუთვნის და ამ მხრითაც ის დიდი ღვაწლი მიუძლვის, რომ მან პირველმა ქართველი ხალ-

ხის მრავალსაუკუნოვანი წარსულის ეკონომიური საფუძვლის გამორჩევის აუცილებლობა აღიარება. საქართველოს ისტორიოგრაფიას მის დროს არამცუ ამ თვალსაზრისით ჩვენი ქვეყნის თავგადასავლის გაშუქება აზრადაც-კი არ მოსვლია, ის მაშინ იმდენად უმშევრ მდგომარეობაში იყო, რომ, ასეთი საკითხის წამოყენების შემდგომაც, პასუხის გაცემა ვერავინ შესძლო. ილ. ჭავჭავაძემ ეს გარემოება, ეს უმშევრისა თითონაც კარგიდ. იცოდა და ამიტომაც იქვე დამატებული აქვს: „ყოველს ამა საგანზედ უეჭველი და გულდადგბითი პასუხი მეტად ძნელია. ამ შემთხვევაში ჩვენი 『ქართლის ცხოვრება』 ხელს ვერაფრით შევიწყობს, ერთს იმისთანას არას გვანიშებს, რომ საბუთად ვიხსროოთ უშველის დასკვინისათვის. მხოლოდ უნდა ვიგულისხმოთ, რომ ამისი პასუხი ჩვენს ეკონომიურ აგებულებასა და წყობაში უნდა მოინახებოდეს. უეჭველია, ჩვენი წინანდელი წყობა ისეთი ყოფილა, რომ ხალხს იქიდამ ჰქონია ის ქონებითი ძალონები, რომლითაც იგი გასძლოლია ამოდენა ვაი-ვაგლახსა და ომებსა ამოდენა ხნის განმავლობაში“—ო (V, 202).

ეს პრობლემა ილ. ჭავჭავაძეს სრულებით სამართლიანად საქართველოს ისტორიის პირველხარისხოვან ამოცანად აქვს აღიარებული. ის ამბობს: „აი, საგანი ღირსშესანიშნავი და მეტად საინტერესო გამოს აპლივად. ეს საგანი რომ თვალ-შინა ჰქონდეს ჩვენს ეხლანდელ მეისტორიის, ამ საგანზედ რომ უეჭველი პასუხი მოგვიცეს ვინმემ, ბევრს ნათელს მოკფენდა აწმყოსა და მომავალსა ცა გზას გაუნათებდა“—ო (V, 202—203).

მაგრამ ილ. ჭავჭავაძის მიერ წამოყენებულ საკითხზე პასუხის გამცემი რომ მაშინ საქართველოში არავინ იყო, ეს მას სხვებზე უკეთ მოეხსნებოდა და, რაკი სჯემე ასე იყო, თითონვე სცადა შეძლებისმებრ ამ საგულისხმოსა და დიდმნიშვნელოვანი ამოცანის შესახებ თვაისი მოსაზრება გამოიყვა. თუმცა „ჩვენგან დიდი კადნიერება იქნებოდა, რომ ამ მძიმე საქმის გამოკლევას შევსდგომიდით, ამისთვის არც მომზადება გვაქვს, არც საჭირო წყარო“—ო, ამბობდა იგი, და მხოლოდ აფიქრად მოვედის ორიოდე აზრი, ისიც ვარაუდობით ცნობილი, და ვგონებ მეტი არ იყოს ის ორიოდე აზრი მკითხველსაც გაუტიაროთ“—ო (V, 203).

იმ ეკონომიკურ საფუძვლად, რომელმაც ქართველ ერს მრავალრიცხოვან მტრებთან ესთადენ ხანგრძლივი ბრძოლის წარმოება შეაძლებინ, ილ. ჭავჭავაძეს მიწიმშეთლებულობის წესი მიაჩნდა. მისი სიტყვით, „ჩვენს ეკონომიკურს წყობაში ორგავარი მიმდინარეობა იყო, როგორც ყველგან სხვაგან: ერთი სამსოფლო და მეორე საკომლო, პირველი მიიჩიდებოდა ისე, რომ სოფლის წრეში ყოფილი მამულები, მიწა, მინდორი, ტყე,—საზოგადო, სამსოფლო ხმარებაში ყოფილიყო, მეორე ისე, რომ ყოველივე ეგვენი განსაკუთრებულიყო. თუ საკომლო ფეხს გაიდგამდა და გავრცელდებოდა, მაშინ განსაკუთრებას მიწისას და, მაშასადამე, უსწორ-მასწორობას მიწისმცულობელობაში ფართო გზა გაეხსნებოდა. და თუ სამსოფლო გაძლიერდებოდა — მაშინ იმ უსწორ-მასწორობას გზა შეეკვროდა. აქედამ ცხადია, ჩვენი მეფეები რას უნდა

გა პფრთხილებოდნენ. როგორც ეტყობა, უფრთხილდებოდნენ კიდევც, თუ არ მეფენი, თითონ ხალხი მაინცა. ეს იქიდამა სჩანს“-ო, ამბობს ილია, „რომ ჩვეულებამ ფრთა შეავეცა საკომლო განვითარებას, რაღანაც ყველგან საკომლო განსაზღვრული იყო ზოგან ლცის ღლიურითა, მაშულების ნოიერებისა გვარად“-აო. თანაც „ტყისა და მინდვრის განსაკუთრება ხომ ყოვლად შეუძლებელი იყო და დღესაც აქამომდე ჩვენის ხალხის გონებაში ვერა თავს-დება ის აზრი, რომ ტყე და მინდვრი საკუთრება იყოს ვისიმე და არა სამსოფლო ო-“-ო (V, 203—204).

შემდეგ საუკუნეებში, ილ. ჭავჭავაძის სიტყვით, საქართველოს ეკონომიკური წესწყობილების ამ კარგს მხარეს „ყური აღარ აოხვევს; გაიდგა ფეხი განსაკუთრებამ და კომლეულობამ, ჩამოვარდა უსწორ-მასწორობა მიწის მფლობელობაში არამცუ კომლოთა შორისაც, არამედ სოფელთა შორისაც“-ო (V, 204) და, როგორც ეტყობა, საქართველოს მერმინდელი პოლიტიკური დასუსტების ერთ მთავარ მიზეზთაგანად ჩვენ მგოსანს სწორედ ეს გარემობა მიაჩნდა.

საქმე. ის კი არ არის, სწორეა თუ არა თვით ილ. ჭავჭავაძის ზემომოყვანილი განმარტება. აქ ყველაზე საყურადღებო ის გარემოებაა, რომ მან ჯერ კიდევ 1880 წ. აღიარა ის ტორიული პროცესის გასაგებად ეკონომიკური საფუძვლის ცოდნის აუცილებლობა.

რაკი ეხლა უკვე ვიცით ილ. ჭავჭავაძის ზოგადი შეხედულება ისტორიისა და ისტორიკოსის უპირველეს მოვალეობაზე, საინტერესოა გავვეგო, თუ კერძოდ კიდევ საქართველოს ისტორიის რომელი საკითხები იპყრობდა მის უკურადღებას.

ილ. ჭავჭავაძე ამბობდა: ყოველ ერს თავისი გამოჩენილი მოღაწეები უნდა ახსოვდეს, რადგან „ერი თავის გმირებში ჰპოულობს თავის სულსა და გულს, თავის მწერონელს, თავის ღონესა და შემძლებელობას, თავის ხატსა და მაგალითს“-აო (V, 208).

ისეთ პირად, რომლის ღვაწლისა და ამაგის დავიწყება საქართველოს არ შექმვენის, ილ. ჭავჭავაძეს, რასაკვირველია, დავით აღმაშენებელიც მიაჩნდა და ჩვენთვის სწორედ ის არის საინტერესო, თუ რა მოსაზრებით. მისი სიტყვით, „დავით აღმაშენებელი სადიდებელია ჩვენგან არა მარტო სა- ნელოვან მეფებითა“, საქართველოს მთლიანობის დამყარებითა და სახელმწიფოებრივიბის შექმნით, „არამედ თავის დიდბუნებოვან კაცობითაც. იგი, თავგადადებული მოყვარე თავის ეროვნებისა და... სარწმუნოებისა“, იმავე დროს „დიდი პატივისმცემელი იყო სხვის ეროვნებისა და და სარწმუნოებისა“ (V, 209), როდესაც ის უკვე „სრულად გაბატონდა თავის ქვეყანაში და, მაშასადამე, ამისთანა პატიოსანი და განათლებული ქცევა მარტო იმის დიდ-ბუნებოვან გულს და გონებას უნდა მიეწეროს და არაფერს სხვას“-აო.

(V, 211). ამასთანავე განმაციფრებელი სწორედ ის გარემოებაა, რომ დავით აღმაშენებელი „სხვა ერის ღირსების თაყვანის ნისმაცემების იყო იმ დროში“. დავით აღმაშენებელის ამ თვისებას ხომ მარტო ჩვენი ქართველი მატიანები არ მოვითხოობენ, სომებთა ავტორებიც ამასვე ადასტურებენ. ხოლო, თუ სომებთაღმი დავით აღმაშენებელის საეთო დამოკიდებულება შესძლებელია იმით აისხნას, რომ სომხები ქრისტიანები იყვნენ, „დიდშუნებოვანი კაცომლყარება დავით მეფისა“ ხომ „მაშმადიანებსაც მიეფინათ“. ჩვენთვის ეს გარემოება და თვისება შით უფრო საგულისხმოა, „მით უფრო ბრწყინვალეა ეს ამბავი, რომ მაშმადიანები თვით დავით მეფისა და მის ერის სარწმუნოებს ერჩოდნენ აღმისაფხვრელად“ (V, 210) და, მაშმადამე, მოსალოდნელ გულისწყრობასაც იგი არ წაუტყუებია. აქვე თავისი დებულების დასამტკიცებლად ილ. ჭავჭავაძეს აღ-აინის ცნობა აქვს დამოწმებული, რომელშიც სხვათა შორის აღნიშნულია, რომ დავით აღმაშენებელმა საქართველოში „ააშენა უცხო ტომთათვის ქარგასლები და საფრთხო სახლები მოქადაგეთა, სუფიებთა და პოეტთათვის, რომელთაც ულუფას უნიზნავდა“-ო და საერთოდაც „დავითი უფრო მეტად კულტურული გეზი, სხვა ერთა ღირსებისა და უფლების პატივის ცემა იზიდავდა.“ (V, 210—211).

როგორც ზემომყვანილობან დარწმუნდებოდით, ი. ლ. ჭავჭავაძე ს საქართველოს პოლიტიკურ მოღვაწეთა ნამოქმედარში მარტო პოლიტიკური მხარე-კი არა, არამედ ამ მოღვაწეობის უფრო მეტად კულტურული გეზი, სხვა ერთა ღირსებისა და უფლების პატივის ცემა იზიდავდა.

საუცხოვოდ აქვს მას მათი პოლიტიკის მთავარი ამოცანა მე-XII ს. განმარტებული. როდესაც ივ. ჯაბადარმა თამარის საქართველოს წინაშე ღვაწლის ფამიცირება სცადა და საბუთად ის მოსაზრება მოიყვანა, ვითომც თამარს ყარსებ გაელაშერებინოს „მარტო იმისთვის, რომ თავის ახლად დაბადებულის შეიღლის გიორგის ბედი გამოსცადოს და ამისთვის აუარებელი სისხლი დაიღვარა ტუფილუბრალოდან“, ი. ლ. ჭავჭავაძე ამ საკითხის განხილვასაც ზოგადი თვალსაზრისით შეუდგა. ჯერ იმ წყაროს შეეხო, რომლითვანაც ეს ცნობა მომდინარეობდა, მერმე-კი ბეცი ადამიანისაგან თვით ამ ამბის ნამდვილ შიზეზად მიჩნევაზე დაიწყო მსჯელობა. ილია ამბობდა; „იქნება ვეითხრან— „ქართლის ცხოვრებაში“ ესე სწერია“, როგორც ჯაბადარს აქვს ნათქვამიო. „ოუნდაც რომ ეწეროს, რა დასაჯერია?“-ო. სწორედ უცნაურია „ასეთი მალე დაჯვარება დაუჯვრებელისა იმ კაცისაგან, რომელიც მართალსაც არ იჯვრებს ვითომ-და უკრიტიკოდ!“-ო. „ქართლის ცხოვრებაში“ რაც სწერია, განაყველაფრის განუსჯელად დაჯვრება შეიძლება? „ნუთუ ძეველი ისძეველ საქართველოს მეისტორიები ეს ანბანი არ უნდა იცოდეს“-ო, ამბობდა ილია, „რომ მას შემდეგ, რაკი სომხეთი შეიმუშსრა, სამხრეთი ჩენი კარი ლია დარჩა მტერთათვის შეშოსა ევვად. ამ მიზეზით, სომხეთის შემუსვრის შემდეგ, არც ერთი მეფე არ ყოფილა ღირსეული ამ სახელისა, რომ თვალი სამხრეთისაკენ არ სჭერლდეს და აქვთ საბრძოლველად არ გასულიყოს, რომ ან ჩვენი მიჯნა სამხრეთისა საქართველოზე შორს გაედგა

მოსვენებისა და უშიშრობისათვის, ან მტრისათვის ისეთი ზარი დაცა, რომ დიღხანს აღარა შემოგებედნა-რა საქართველოსათვის. ეს იყო პოლიტიკური საჭიროება, რომელიც ეთავდებოდა ჩვენს მშვიდობით ყოფნასა და არსებობასა. შანქორის ოშეაც განჯისა-კენ ესევე აზრი ჰქონდა და საჭიროება“-მ (V, 68).

დავით აღმაშენებლის, გიორგი შესამის და ომარის დროინდელი სამხედრო პოლიტიკის მიზნების შესახებ, როგორც ცნობილია, იღს. გედევანიშვილს ჰქონდა 1915 წ. სანქტერესო გამოკვლევა გამოქვეყნებული. ურიგო არ არის გავისსენოთ, რომ არსებითად ამ პრობლემის გაშუქების პირველობაც, ამასთანავე 26 წლით უფრო აღრე, იღ. ჭავჭავაძეს ჰქონილებია.

საქართველოს ისტორიითგან იღ. ჭავჭავაძეს შემდეგ  
ერთითთვის თავგანწირულობა ჯნიბლავდა. ცნობილია, რომ მისი  
ისტორიული პოემის „დიმიტრი თავდადებული“-ს დედა-აზრი და სუ-  
ლისკვეთება სწორედ ეს არის: ქართველი ერის, უდინაშაულო ხალხის მონოლო-  
თა ყაენისაგან განადგურებას დიმიტრიმ ხომ თავისი სიცოცხლის განწირვა  
არჩა. დიმიტრი თავდადებულის შემდგომ საქართველოს გმირ პირვენებათაგან  
იღ. ჭავჭავაძის ყურალებას ლუარსაბ მეფის პირვენება იჩიდავდა. აქაც მისი  
მოღაწეობის შეკვენებად ზას ქვეყნისათვის იგივე თავგანწირულება მაჩნდა:  
უნდა გავიხსნოთ საქართველოს ის გმირი, რომელმაც „სოჭვა: რა მაღლია  
თავი გადავარჩინო და ჩემი ქვეყნა მტერს ავახორებინოო, —წავიდა“ და თა-  
ვისი თავი ქვეყნის უნებლობას შესწირათ (V, 219).

გ. საკავშე, როგორც ცნობილია, არჩილ მეუჯვე ჰქონდა თავის ისტო-  
რიულ პოემაში მოსაზრება გამოთქმული, მაგრამ ამ ადამიანის მოღვაწეობა  
სხვადასხვანაირად იყო ყოველთვის შეფასებული. ვერა გაღაწიყვიტათ მხოლოდ  
ქართ. ისტორიიკობებს. ილისა-ქი მაინც თავისი მოსაზრება გაკერით გამოთქმუ-  
ლი აქვს. ლუარსაბ მეფის „აზნაურიშვილის მოყვრობამ და ნამეტანვად აზნაუ-  
რიშვილის ქალის გადელოფლებამ გული აუმღვრის მაშინდელ დიდებულებს, რო-  
მელთაც ითაკილეს აზნაურის ქალის დელოფლობა და ბატონობა“. შესაძლებე-  
ლია ლუარსაბი უბედურებაში სწორედ ამ გარემოებამ ჩაგდო. „დ ი დ ი მ ო უ-

რავი თუმცა ყოვლად ნიჭიერი კაცი იყო, ყოვლად მხნე სახელმწიფო კაცი და წარჩინებული მეომარი და სარდალი, მაგრამ ყოველივე ეს ვერ იპატიებდა მას მდაბალ-ბუნებიანთა კაცთა შურისაგან. ეს ნაძირალი გრძნობა ადამიანის ავზნიანობისა ბევრს მეტოქეს და მოშურნეს მოუპოვებდა მაშინ-დელ დიდებულთა შორის, რომელთაც მოდგმა უფრო დიდ ღირსებად მიაჩნდათ, ვიდრე ნიჭიერი დიდ-ბუნებიანობა“-ო (V, 216).

ეხლა რომ ისტორიის მეთოდოლოგიის საკითხებზე ილ. ჭავჭავაძის მსჯელობასა და იმ წვლილის განხილვას შევუდგეთ, რომელიც მას ამ დარგშიც საქართველოს ისტორიის წინა შე მიუძღვის, ილ. ჭავჭავაძეს, რა თქმა უნდა, ისტორიული კრიტიკაცა და შედარებითი მეთოდიც ისტორიის მძღვრს და აუცილებელ საშუალებად მიაჩნდა, შაგრამ ივ. ჯაბადარის ნაშრომში დაარწმუნა, რომ მას ვერც ერთი ამ შეთოლთაგანის ვერც დანიშნულება გაუყიდა და ვერც მათი გამოყენება შესძლებია. რაკი ილ. ჭავჭავაძემ თითონაც კარგად იცოდა, რომ საქართველოს წარსულის შემსწავლელთა შორის ამ ორი მეთოდის მცოდნე და გამომყენებელი მართლაც არავინ ჩანდა, ივ. ჯაბადართან კამათის დროსაც ილ. ჭავჭავაძე ამას არამცუა არ უარყოფდა, არამედ თითონაც ადასტურებდა: „არა ერთხელ გვითქვაში და ეხლაც საჭიროა გაფისხენოთ, რომ ჩვენი ავტორი (ე. ი. ივ. ჯაბადარი) ჩვენს ლიტერატურას უკიიჟინებს, კრიტიკაც და შედარებითი მეთოდი მისთვის უკიი გამოდგა (V, 27 და 134). რაკი ამნაირად თვით ჯაბადარსაც არც ამისი ცოდნა და არც უნარი არ აღმოჩნდა, აქაც მაშინდელი ქართველი მკაფიოებისა და მკვლევრთათვის ისტორიულის და შედარებითი მეთოდის განმარტებას თვითონვე შეუდგა. გაგრამ ამაზე საყურადღებო და უფრო მნიშვნელოვანი ის გარემოებაა, რომ მარტო ამით არ დაკმაყოფილებულა, არა მეც ყველას საქართველოს წარსულის შესასწავლად ამ ორი მეთოდის მარჯვედ და ნაყოფიერად გამოყენების რამდენიმე მაგალითი ც უჩვენა.

უპირველესად საგულისხმოა, რომ იმ დროს, როდესაც საქართველოს ისტორიის მაშინდელ მკვლევართ „ქართლის ცხოვრების“ ყოველივე ცნობა სჯეროდათ და იქ ნაამბობს იმეორებდნენ ხოლმე, ილ. ჭავჭავაძე „ქართლის ცხოვრების“, ქრიტიკულად ეპყრობოდა და ყველაფერი, რაც იქ მოთხოვნილია, ჭეშმარიტებად კი არ მიაჩნდა, არამედ არა ერთხელ მას იქ ჩართული ზოგი ცნობების მცდარობა აღმოჩნდა. მაგ. ის ამბობდა: „ქართლის ცხოვრების“ ცნობა დარუბანდის ფრიდონისაგან აგების შესახებ ზრაბარია, რათვან სხვაგან ასეთი ცნობა არსად მოიპოვება (V, 52, 53). უკველია, რომ „ქართლის ცხოვრებას“ „აურევია სახელები“-ო (V, 53).

ივ. ჯაბადარს ფარნავაზ მეტე, „ქართლის ცხოვრების“ თანახმად, საქართველოს უდიდეს და ცენტრალურ პიროვნებად ჰყავდა გამოყვანილი, ილია კი ამ-

ბობდა, „არა გვერნია «ქართლის ცხოვრების» გარეთ, ჩვენმა ავტორმა გვიპოვნოს რაიმე ხსენება ფარნავაზისა ჩვენს ხალხში“-ო (V, 60—61). ხრლო შემდეგ უკვე პირდაპირ ნათქვამიცა იქვს, „ძალიან შესაძლოც არის, რომ ყოველივე“ ის, რაც „ქართლის ცხოვრებას“ ფარნავაზზე მოთხოვდილი აქვს, „ტუშილიც იყოს“-ო (V, 62).

შედარებითი მეთოდის სახელი, ილიას სიტყვით, სრულად „არ შეეფერება იმგვარს კვლევას საგნისას, რომელსაც ამ სიტყვით ჰხატვის მეცნიერება ყევლა ენებში. ეს-გვარი კვლევა შედარება კი არ არის“-ო, არამედ „სწორები ის არის, რომ კაცი კვალში ჩაუდგეს რომელსამე საგანს, ანუ მოვლენას, რომ ან თავიდამ ბოლომდე ჩამოჰყვეს, თუ სათავე ვიციო და ბოლო არა, და ან ბოლოდამ სიახემდე აჰყვეს, თუ ბოლო ვიციო და სათავე არა, და ამისთვის კიბედ გაიხადოს ყოველივე შემთხვევა, ყოველივე დრო, ყოველივე აღიღილი, სადაც კი ან ან საგანს, ან მოვლენას თავი უჩენია“-ო (V, 22).

შეტად საგულისხმოა ილ. ჭავჭავაძის მსჯელობა საისტორიო კვლევა-ძიებისათვის. შედარებითს მეთოდთან ერთად, ლინგვისტიკური ანალიზითა და დაკირვებით მოპოვებული დასკვნების გამოყენებაზეც. გერმანელი ენათმეცნიერის შრადერის ნაშრომშე დაყრდნობით პირველად ილიამ მიაქცია ყურადღება ქართული ზენის „მართლად გამაკვირველი ფირმების“ სიუხვეს და აზრის გასაოცარი სიმკლიოთა და სიმარჯვით გამოთქმისთვის ჩვენი ენის ამ თვისებას მნიშვნელობაც კარგად განხარტა (V, 92—95). მანვე მაშინ დელ ქართველ შეკვლებართ დაანანახა, თუ რაოდ ენა და საგულისხმო და მნიშვნელოვანი საკითხების გამორჩევა ვა შესაძლებელი ენის ნაზღვილი ანალიზის საშუალებით. ილ. ჭავჭავაძე ამბობდა: ივ. ჯაბადარს რომ ენის „სარეზო ჩახედვის და ნახვის უნარი რამ პქნოდა და ერთი ბეწვა გავება“, განა ის უ-ს, „გაზანდრის ადლით გაზომვას“ დაიწყებდა არა, ის „სხვა გნიოთ დაკვირდებოდა ჩვენს ენას და სულ სხვა ამბავს გამოკითხვდა“-ო (V, 97). მერმე ილ. ჭავჭავაძეს თავისი შემდეგი საყურადღებო მოსაზრება აქვს გამოთქმული: „განა ამისთანა სიტყვები, რომელნიც ჩვენს ენას დღევანდლამდე შერჩენია, არაურის მთხრობელი არ არიან, მაგალითები: „წყალობა, მიწყალე, შემიწყალე, მოწყალება“. აქ ყველგან „წყალი“ ისმის და ეს ამისთანა ცოცხალი მოწმე განა არ გვეუბნება, რომ პირვანდებული ბინა ქართველისა ისეთი მშრალი ქვეყანა ყოფილა, რომ „წყლობა“ ნატვრისა და ვედრების საგნად გახდომია. შუა მდინარესაც რომ თავი დაგანებოთ და თუნდაც რომ „მარტო არმენია ავილოთ, საცა წინა ბინადრებულა ქართველი და საცა დღესაც „წყლობა“ მართლა დიდი ლოთის წყალობაა, იმიტომ, რომ მიწა მდიდარია, ხოლო უწყლოდ კი არა მოპყებულის-რა“-ო (V, 97), კარგად გვისნის, თუ რატომ უნდა მაპნიჭებოდა „წყალობა“-ს ასეთი მნიშვნელობა. საუცხოო და გონება-მასცილი დაკვირვება!

ან ავიღოთ, განაგრძობს ჩვენი დიდებული მოლვაწე, „სიტყვა 『მიცვა დლება』, 『მიცვა დლებული』, რომელიც მოკვდომასა და მკვდარს ჰნიშნავს, მაგრამ არა სრულიად გაარარავებას, არამედ 『გარდაცვლას», სხვა სახედ გა-

დასვლას. ნუთუ ამაში გონების ხელმოსაჭიდებელი არა არის რა, რომ კაცმა უტყუარი აზრი შეადგინოს მასზე, თუ როგორ სწამებია ქართველს ის დიდი მოქმედება ბუნებისა, რომელსაც სიკვდილი ჰქონის «გათხოვება», «მითხოვება» განა არას გვეუბნება, რომ უწინდელ ქართველის ცოლის შერთვაში «თხოვებას» რაღაც ადგილი ჰქონია. განა ეს სიტრიცვა არ ასურათებს პირველყოფილ ქართველს ცოლქმრობის შესახებ»—ო, კითხულობდა ილია (V, 97—98).

საინტერესოა აგრეთვე ილ. ჭავჭავაძის მსჯელობა ქართველთა სხვა ერებთან კულტურული ურთიერთობის ლექსიკური მასალის ანალიზის საშუალებით გამორჩევენის შესაძლებლობაზეც. იგი ამბობდა: „ვთქვათ, შეგვხვდა ქართული ბავშური სიტყვა «აჩუა». საიდან არის ეს სიტყვა, რის მომასწვებელია და ნიშნავს იმას თუ არა, რასაც ბავში ამ სიტყვით ასახელებს? ჩვენს ენაში ამ სიტყვის ასახსნელს ვერაფერს ვიპოვთ. თუ კვალში ჩავუდგებთ და სხვა ენებს ამ განხრანებით მოვწირევთ, დავინახავთ, რომ სანსკრიტულად აცვა, ზენდურად aspa, ლა-აინურად epius, ირლანდურად es, ლიტოვურად aszwa ცხენს ნიშნავს და ყველგან-ი ისმის ცხადად და ნათლად ჩვენებური «აჩუა». ცხადი არ არის ტალა, რის ნაშთია და საიდამ წარმომავალია ეს სიტყვა «აჩუა», რომელსაც დღეს ჩვენში მარტო ბავში ჰქმდა არობს, ან ბავშისათვის გხმარობთ ცხენის მაგიერა?»—ო (V, 22—23).

თავისი ზემომოყვანილი საგულისხმო დაკვირვებების შემდეგ, ილიას სამართლიანად აქვს აღნიშნული: „ბევრს ამისთანა მაგალითს წარმოგვიდგენს ჩვენი ენა, თუ რომ ბრძან კაცი და, ჩვენის ავტორსავით ყოვლად უვიცი არ შეხვდა“—ო (V, 98). ლებბოქვა ამ მეთოდით და ასეთი მასალით პირველყოფილი რწმენის, წესწყობილებისა და კულტურის სურათის აღდგენაც-კი შესძლოო (იქვე) და განა ქართველი ხალხის წარსულის ასევე აღდგენა არ შეიძლებოდა, სათანადო ცოდნა და ნიჭი რომ ყოფილიყო, ფიქრობდა ილ. ჭავჭავაძე.

ივ. ჯავადარის მცდარ დებულებათა კვალდაკვალ განხილვისას ილ. ჭავჭავაძე არქოლოგიასა და შედარებოთს მითოლოგიასაც შეეხო და აქაც არა ერთი საგულისხმო მოსახება ჰქონდა გამოთქმული ზენგვეულებებსა, კაციმჭამლობას, წარმართული რწმენის წინაპრთა თაყვანისცემისა და დასაფლავების წესების შესახებაც. მანვე სუადა გაეზრუბინა მემატიანის ზოგიერთი ცნობაცა და ძევს სამარხებში აღმოჩენილი ვითარების შესაძლებელი მიზეზიც განმარტი (V, 23—26, 111—113, 125—126, 142—143, 147 და სხ.).

ყველა ზემომოყვანილი იმედია დაარწმუნებს ყველას, თუ რაშ დენად საინტერესო ყოფილა ილ. ჭავჭავაძის მოღვაწეობა ისტორიის დარგშიც: როგორც ამ მეცნიერების ზოგადს ამოცანებსა და მეთოდოლოგიაზე, ისევე კერძოდ საქართველოს ისტორიისა და ისტორიკოსთა ამოცანებსა და სწორი მეთოდოლოგით მნიშვნელოვანი შედეგის მოპოვების შესაძლებლობაზეც ჩვენს დაუვიწყარს მოამაგეს ფრიად საგულისხმო მოსახებანი

\* წაკითხულია, მოხსენების სახით, 1937 წ. ენიმები-ს საჯარო სხდომაზე, რომელიც მიძღვნილი იყო ილია ჭავჭავაძის დაბატონის ასი წლისთვისადმი.

Ф. № 60 650.

Ив. Давидашвили

ИЛЬЯ НАГДВАДЗЕ В ИСТОРИИ ГРУЗИИ

ИЗДАТЕЛЬСТВО ГРУЗИНСКОГО ФИЛОСОФСКОГО УНИВЕРСИТЕТА  
Грузинской Академии Наук СССР  
76-й километр ул. Махарадзе, 11